

Universitätsbibliothek Paderborn


**Apologia Pro Conscientiis infirmis, Sev Responsio Benigna
Pro securitate dictaminis practici super certa
probabilitate fundati**

**Fibus, Bartholomaeus
Schweitzer, Johannes**

Coloniæ, 1682

§. Sextvs. Respondetur ad argumenta, quæ adversarius ex ratione adduxit.

urn:nbn:de:hbz:466:1-39304



§. SEXTVS.

Respondetur ad argumenta, quæ adversarius ex ratione adduxit.

I.  Biicit priuò Paternitas Vestræ: Si suf-
ficeret ad conscientia securitatem,
quað alicui opinio appareat probabilis:
jam summi Pontifices non proscriptis-
sent ista opinionum monstra, quibus mendacia, ea-
lumnia, perjuria, usuræ, simonia, homicidia excu-
sabantur à peccato, eò quèd viderentur excusari
per rationes probabiles, et si opposita sententia proba-
bilior esset. Deinde: hoc modo etiam Hæretici ex-
cusarentur à peccato, quia ipsis sua opiniones niti vi-
dentur rationibus probabilibus; imò esse omnino
conformes Sacrae Scripturæ. Similiter Pilatus, qui
Christum morte dignum judicavit, afferentibus Ju-
deis & Principibus illorum, se legem habere, secun-
dum quam deberet mori. Item Turcarum error sic
potest defendi, quo judicant fornicationem & pollu-
tionem non esse malam: & sic de aliis. Quid enim
illa minus possint defendi ex ratione, quando Cara-
muel Probabilistarum facile Princeps fatetur lib. 4.
Theologia moralis num. 1559. Deorum pluralita-
tem stando principiis naturalibus defendi posse ac
propugnari. & num. 1563. Prudentiam humanam
viribus naturæ relictam probabilissimè posse credere,

dari plures Deos. Resp. monstra ista opinionum rectè damnata fuisse à Pontificibus, quorum fulmine non eliditur ullius opinionis vera & certa, sed ficta & putatitia solum probabilitas propositionum illarum, quas imprudentes & temerarii homines pauci afferere ausi sunt, contra doctrinam Ecclesiæ ac Doctorum communem. Quæ sequuntur, mirum est contra nos adduci ab eo, qui melius intelligit. Motiva enim credibilitatis, quæ possunt Hæreticis favere, si comparantur cum motivis credibilitatis Ecclesiæ Sanctæ, non retinent ullam certam & absolutam probabilitatem. Præterea distinguere debet Paternitas V. ^{ra} inteli videri & esse probabile. Quod de Turcis subjungitur, Respondeo ex Christi lege promulgata sat̄is constare, quod fornicatio & pollutio sint peccata mortalia. Et hoc nolunt isti scire, dum nolunt Evangelio credere. De Pilato testantur scripturæ, eum scivisse, quod Iudæi per invidiā tradidissent Christum: unde oppositum non potuit ei esse probabile. Quod de Caramuele meminit Paternitas Vestra, Respondeo nos tueri veritatem Probabilisticæ doctrinæ, non Caramuelem. In propositionibus adductis fatemur eum esse heteroclitum & singularem, cui propterea passim contradicitur, etiam ab his, qui alias sunt de laxa manica. Si nimiam sentiendi licentiam in hoc Authore coercendam putabat Vincentius Baronus, debebat se intra terminos continere, discriminē agnoscere inter illum & Societatis

tatis Doctores, Suarez, Vasquez, Bellarmineum, Molinam, Lessium, Valentiam, Castropalaum & cæteros, quorum potuisset humilis fieri discipulus.

De primis etiam Parentibus itemque de Saüle objicere hic solent supra citati Probabilioristæ, quod opinionem probabilem secuti sint, & tamen peccârint. Respondeo talia ab his, qui legerunt scripturas, non posse allegari; testantur enim apertè, sub interminatione mortis vetitum fuisse primis Parentibus manducare ex arbore. Unde nec Adam, nec Eva increpiti à Domino ullum argumentum probabile obtruserunt pro sua excusatione: sed ille se ab hac, & hæc à serpente seducitam se fuisse, causata est. De Saüle similiter meminerunt eadē scripturæ, quod præceperit ei Dominus *non parcere, sed interficere à viro usq; ad mulierem & parvulum & lactentem bovem & ovem, camelum & asinum.* Neque tamen per hæc nego, quin peccare etiam possit sequens in dubio juris sententiam licet strictè & absolute probabilem, si dictamen scilicet practicum sibi formet de eo, quod non liceat sibi sic operari.

2. Objicit secundò: *in negotiis temporalibus seu quæ ad salutem corporis pertinent, operans juxta minimum probabilem in concursu probabilioris non operatur prudenter: ut e. c. ingrediens sylvam, quam probabilius judicat esse receptaculum latronum, aut sumens potum vel cibum, quem probabilius judicat esse infectum veneno, ergo à fortiori non operabitur prudenter,*

prudenter, adeoque nec licet, qui in rebus ad saltem animæ pertinentibus operatur juxta opinionem, minus probabilem. Sc. Auferantur, ita ex Augustino contra Academicos cap. 9, inquit Paternitas Vesta, auferantur de manibus fabella: de animæ res agitur: negligantur inanistudio excogitatiter mundi, & regula Sc. Regulis istis non dedit Dominus securitatem, neque S. Aug. cum aliis Patribus; neque ulla evidens probatio. Resp. Permisso antecedente, quod saepe non tenet, negando consequiam. Ratio est, quia in opinione quavis probabili ostendimus dictamen prudens fundari posse: quod proinde infirmis conscientiis est loco *Alexipharmaci probati*, contra omne periculum peccati formalis, quale peccatum est mors, animæ. Tale autem *Alexipharmacum* contra periculum venenati cibi & latrociniij non est ulla opinio probabilis de eo, quod in sylva non sint latrones, & cibus non sit infectus. Ratio enim periculi latronum & veneni evitandi nullo modo pendet ex opinione certò probabili intellectus judicantis abesse venenum & latrones. Ratio autem honestæ volitionis pendet à dictamine prudenti intellectus, ut supra ostensum. Si vos careatis hoc in moralibus *Alexipharmaco*, favete populo Christiano, ut apud Probabilistas gratis accipiat & vivat. Quod dicat Paternitas Vesta pag. 162. Dissertationis tertiae *Alexipharmacum* hoc nostrum esse suspectum: Resp. esse suspectum timentibus, ubi non est timor: viris tamen prudentibus

tibus & cordatis lemurum larvas ridentibus non
esse in tanta luce tot ac talium Doctorum.


3. Objicit tertio: *Qui sequitur minùs probabi-
lem relictā probabiliore & iutiore, virtualiter dicit:
et si probabilius sit, quod Deus nolit hoc à me fieri, vo-
lo tamen facere: atqui talis volitio est in honesta.
Respondeo eum solummodo dicere: et si proba-
bilius sit probabilitate judicij speculativi, quod
Deus nolit hoc fieri; volo tamen facere, quia
certus sum certitudine dictaminis practici, quod
Deus sic permittat fieri hic & nunc: huic autem
actui nihil inest in honestatis aut imprudentiae.
Responsio sat intelligitur ex supra traditis.*

4. Objicit quartò: *Christus non dixit: Ego sum
probabilitas; sed, Ego sum veritas, hæc ergo affe-
cta contraria spectanda est. Unde si Doctores dent
consilia contra legem naturalem & divinam, verifi-
cabitur de illis istud Matth. 15. cœci sunt & duces
cœcorum: cœci autem si cœco ducatum præstet, am-
bo in foveam cadent: & hoc scilicet est, quod docet
Aug. in Psal. 44. directionis virga est, qua dirigit
homines: curvi erant, distorti erant, sibi regnare
cupiebant, se amabant, facta sua mala diligebant,
non voluntatem suam Deo subdebant; sed volunta-
tatem Dei ad suas conscientias flectere volebant: &
ad hoc propemodum sedent quotidie homines, ut dis-
putent contra Deum: & lib. de Catechizandis ru-
dibus cap. 25. tene te ad legem Dei & non sequaris
prævaricatores ejus; non enim secundum illorum, sed
secundum illius voluntatem iudicaberis, Respon-*

G. S.

deo.

deo neque Christum dixisse: ego sum probabilitas; Quid ergo? quod de cæcis ducibus subjungit, qui dent consilia contra legem, verum est, quando lex sufficienter est proposita. Falsò autē supponitur legem naturalem & divinam omnibus hominibus sufficienter esse propositam, nec dari ejus ignorantiam invincibilem. Quæ sequuntur gratis allegantur.



S. S E P T I M U S.

Continuantur objectiones & responsiones.

I.



Bjicit quintò. Medicus habens ad manus duas medicinas, quarum unam judicat probabilius esse lethiferam, non potest facere per judicium suum licet probabile, ut sit medicina sana, neque licet potest eam propinare ægroto; ita nec viri docti per consilium suum poterunt facere, ut quod revera est contra legem naturalem & divinam, non sit contra eam. Nes obstat quod sint viri graves ita sentientes, quia Theologi antiqui & SS. Patres graviores sunt, qui oppositum dicunt. Si quis roget, utrum tutò homo possit conscientiam suam credere Confessario, qui profitetur se pro regula tenere, quod licet juxta minus probabilem & minus tutam operari? & utrum tutò possit talis Confessarii confi-